




Exitoso premier "Two Man Show" Vale Croes v.s. Pachi Damon

Diahuebs awor lo ta e ultimo!!!



ORANJESTAD (AAN): -- Ayeranochi den Cas di Cultura a tuma lugar e gran premier di e "Two Man Show" di Vale Croes y Pachi Damon, cual a resulta den un exito rotundo.

Un publico grandi a goza sin fin di e tremendo show cu Vale Croes y Pachi Damon a presenta. Tanto Vale Croes y Pachi Damon, cada uno den nan estilo a sa di deleita e publico. E show tabata asina tremendo, cu na final e publico a keda cu hopi gana pa haya mas.

Fremendo "Two Man Show" aki ta continua awenochi diamars y mayan anochi diaranson den Cas di Cultura, cual dos funcionnan ta casi

den sold out. Mirando e interres y demanda grandi pa e "Two Man Show" aki, organizadornan a logra di haya un anochi mas den Cas di Cultura, cual lo bay ta diahuebs awor dia 3 di december. Esaki lo bay ta e ultimo funcion, debi cu pa e fin di siman aki e grupo juvenil Pierewietje y Flash lo bay tin nan show.

Pa loke ta trata e funcionnan di awenochi y mayan anochi, tur cos ta mustra cu ambos lo bay resulta den un sold out, pa cual tambe ta bay conta pa e ultimo anochi cu ta diahuebs awor.

Ta bon pa remarca cu tur anochi, e show lo ta completamente diferente, debi cu e

dos comediantenan aki ta presenta nan show den un forma espontaneo cu yen di improvisacion. Riba fotonan ad-hunto un grandioso publico gozando y un parti cu ta ilustra e forma chistoso cu Vale Croes y Pachi Damon a presenta nan tremendo "Two Man Show".

**TELEFONNAN
DI DIARIO
826747
FAX
828551**